



KA015562686890421

**იუსტიციის
სახლი**საქართველო, თბილისი, ტელ.: +995 32 2 405 405
0114; სახაპიროს ქ. № 2 info@psh.gov.ge
www.psh.gov.ge

№ 2518

10 / დეკემბერი / 2021 წ.

**საქართველოს იუსტიციის სამინისტროს მმართველობის სფეროში მოქმედი
სსიპ - იუსტიციის სახლის ანგარიში ინფორმაციის თავისუფლების შესახებ
2021 წელი**

საქართველოს ზოგადი ადმინისტრაციული კოდექსის 49-ე მუხლის შესაბამისად, წარმოგიდგენთ სსიპ - იუსტიციის სახლში საჯარო ინფორმაციის გაცემის მოთხოვნით შემოსული განცხადებებისა და მათზე რეაგირების, ასევე, დაცული პერსონალური მონაცემების შეგროვების, დამუშავების, შენახვისა და სხვისთვის გადაცემის შესახებ 2021 წლის ანგარიშს (მოიცავს 2020 წლის 10 დეკემბრიდან 2021 წლის 10 დეკემბრამდე პერიოდს):

ა) საანგარიშო პერიოდის განმავლობაში სსიპ - იუსტიციის სახლში საჯარო ინფორმაციის გაცემის მოთხოვნით სულ შემოვიდა 14 განცხადება, რომელთაგან ელექტრონული კომუნიკაციის მეშვეობით შემოსული განცხადებების რაოდენობამ შეადგინა 1 (ერთი) ერთეული.

საქართველოს ზოგადი ადმინისტრაციული კოდექსისა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს № 219 დადგენილების შესაბამისად, სსიპ - იუსტიციის სახლში უზრუნველყოფილია საჯარო ინფორმაციის ელექტრონული ფორმით გამოთხოვა საქართველოს იუსტიციის სამინისტროს მმართველობის სფეროში მოქმედი სსიპ - მონაცემთა გაცვლის სააგენტოს მიერ ადმინისტრირებული ვებგვერდის - MY.GOV.GE - მეშვეობით.

საჯარო ინფორმაციაში შესწორების შეტანის მოთხოვნა 2020 წლის 10 დეკემბრიდან 2021 წლის 10 დეკემბრამდე სსიპ - იუსტიციის სახლში არ შემოსულა;

ბ) საანგარიშო პერიოდის განმავლობაში საჯარო ინფორმაციის გაცემის მოთხოვნით სსიპ - იუსტიციის სახლში შემოსული 14 განცხადებიდან სსიპ - იუსტიციის სახლის კომპეტენციას მიეკუთვნებოდა 12 განცხადება, რომელთაგან:

- 9 შემთხვევაში მოთხოვნა სრულად დაკმაყოფილდა;
- 2 შემთხვევაში, საჯარო ინფორმაციასთან ერთად, განცხადებით მოთხოვნილი იყო განსაკუთრებული კატეგორიის/პერსონალური მონაცემების გაცემა, შესაბამისად, ამ განცხადებებთან მიმართებაში, განმცხადებლის მოთხოვნა ნაწილობრივ დაკმაყოფილდა;
- 1 განცხადებასთან დაკავშირებით მიმდინარეობს ინფორმაციის მოძიება-დამუშავება.

რაც შეეხება დანარჩენ 2 განცხადებას, აღნიშნულ განცხადებებზე რეაგირება მიეკუთვნებოდა სხვა ადმინისტრაციული ორგანოს უფლებამოსილების სფეროს, შესაბამისად, განცხადებები გადაეგზავნა უფლებამოსილ ადმინისტრაციულ ორგანოს.

მნიშვნელოვანია აღინიშნოს, რომ სსიპ - იუსტიციის სახლში შემოსული თითქმის ყველა განცხადება შეიცავდა საჯარო ინფორმაციის ერთზე მეტ, ხშირ შემთხვევაში კი - მრავალ მოთხოვნას.

საანგარიშო პერიოდის განმავლობაში სსიპ - იუსტიციის სახლში შემოსული განცხადებები განიხილა და შესაბამისი გადაწყვეტილებები მიიღო სსიპ - იუსტიციის სახლის საჯარო ინფორმაციის ხელმისაწვდომობის უზრუნველყოფაზე პასუხისმგებელმა პირმა - თეა გიუნაშვილმა;

გ) სსიპ - იუსტიციის სახლის სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში, ახორციელებდნენ პერსონალური მონაცემების შეგროვებას, დამუშავებასა და შენახვას.


სსიპ - იუსტიციის სახლში პერსონალური მონაცემები დაცულია როგორც ელექტრონული, ისე მატერიალური სახით. დოკუმენტბრუნვის ელექტრონულ სისტემაში (დეს) ინახება ელექტრონული ფორმით არსებული პერსონალური მონაცემები. აღნიშნულ მონაცემებზე წვდომა გააჩნიათ მხოლოდ იმ თანამდებობის პირებს, რომლებსაც მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავებისა და შეგროვების უფლებამოსილება. დოკუმენტბრუნვის ელექტრონულ სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც, თავის მხრივ, გამორიცხავს არაუფლებამოსილი პირებისათვის პერსონალურ მონაცემებზე წვდომას;

დ) სსიპ - იუსტიციის სახლის თანამშრომლების მხრიდან, საანგარიშო პერიოდის განმავლობაში, შემოსულ საჯარო ინფორმაციის მოთხოვნებთან დაკავშირებით არ გამოვლენილა საქართველოს ზოგადი ადმინისტრაციული კოდექსის მე-3 თავის მოთხოვნათა დარღვევისა და ამ საფუძვლით პასუხისმგებელ პირებზე დისციპლინური სახდელის დადების ფაქტი;

ე) 2020 წლის 10 დეკემბრიდან 2021 წლის 10 დეკემბრამდე სსიპ - იუსტიციის სახლი საჯარო ინფორმაციის გაცემის, გაცემაზე უარის თქმის ან/და საჯარო ინფორმაციის გაცემის მოთხოვნის ნაწილობრივ დაკმაყოფილების შესახებ გადაწყვეტილების მიღებისას ეყრდნობოდა საქართველოს კონსტიტუციას, საქართველოს ზოგად ადმინისტრაციულ კოდექსს და „პერსონალურ მონაცემთა დაცვის შესახებ“ საქართველოს კანონის მოთხოვნებს;

ვ) საანგარიშო პერიოდში, საჯარო ინფორმაციის გაცემასთან, ასევე საჯარო ინფორმაციის მოთხოვნის ნაწილობრივ დაკმაყოფილებასთან დაკავშირებით სსიპ - იუსტიციის სახლის მიერ მიღებული გადაწყვეტილებები არ გასაჩივრებულა. ამავე პერიოდში, სსიპ - იუსტიციის სახლს არ ჰქონია ინფორმაციის დამუშავებასა და გაცემასთან დაკავშირებული ხარჯები და არ დაჰკისრებია მხარის სასარგებლოდ გადასახდელი თანხა.

სსიპ იუსტიციის სახლის აღმასრულებელი დირექტორი

ხელმოწერილია/
შტამბდანიშულია
ელექტრონულად 

ოთარ ჩახუნაშვილი